



Inatsisartuni ilaasortaq
Malik Berthelsen
/Maani

Pineqartoq: § 36, imm. 1 naapertorlugu apeqqummut nr. 2010-176-imut akissut

Asasara Malik Berthelsen,

Sisimiuni heliportitoqqap atorpeqarsinnaanera pillugu apeqqutinnut qujanaq, taakkulu uani tulleriillugit akissuteqarfignissavakka:

11. oktober 2010
Sagsnr. 2010-038834
Dok. Nr. 476365

Postboks 909
3900 Nuuk

Tlf. (+299) 34 50 00
Fax (+299) 34 54 10

E-mail: iaan@nanoq.gl
www.nanoq.gl

1. Sisimiuni Heli Greenland-ip heliportitoqqamik atuilernissamut qinnuteqarnerminni, Naalakkersuisunik itigartitsinermut tunnqavilersuutigineqartoq ilumut eqqarsaatigilluagaanarluni?

Aallarniutigalugu erseqqissaatigissavara, Namminersorlutik Oqartussat Sisimiuni heliportitoqqamik atuinissaq pillugu Heli Greenlandimut itigartitsissuteqarsimangimmata. Namminersorlutik Oqartussat taamaallaat Sisimiuni Aqqusinersuarmi helistoppimi teknikkimut atortoqarfik pillugu Qeqqata Kommunianit kommunimut pilersaarummut tapiliussa q. nr. 39-p tusarniaassutigineqarnerani akissuteqarsimapput.

Tusarniaanermut akissut imatut allassimavoq:

"Sisimiuni mittarfik sananeqareersoq timmisartunik suluusalinnik taamatullu timmisartunik qulimiguulinnik timmisartuussinerit naammassineqarsinnaanerit periarfissaqartitsivoq. Mittarfik Mittarfeqarfiit niuernikkut tunnqavigisaanut ilaavoq, tassanilu akit ilusaannut nammaqatigiilluni sullissinissaq tunnqavigineqarpoq. Tassalu akitsuutini tamarmiusuni timmisartoqarfimmit suminngaanniit sullissisoqarnerisigut apeqqutaatinneqanngilaq, taamaalillunilu timmisartoqarfimmit annertuumik suliaqartut timmisartoqarfinnut annikitsunik suliaqartunut taperseeqatigiissinneqartarput.

Sisimiuni sumiiffimmi allami sananissaq, taamaalillunilu suliaassanik Sisimiut Timmisartoqarfiannit sumiiffimmut allamut nuussinissaq Mittarfeqarfiit kaaviiartitaasa ikilinerinik kinguneqartussaavoq, Sisimiunilu sumiiffimmi allami sananissamut akuersissuteqartoqassappat, taakku Mittarfeqarfiit akigititaasa ataatsimut iluarsiiqqineqarnerisigut taarserneqartariaqarput – allatut iliortoqassappat akitsuutit ilusaat tamarmiusut naliliiffiqeqqineqartariaqarlutik."

Aammalu erseqqissaatigineqassaaq, heliporti ammaqpinneqassappat Sisimiuni heliportip ammaqpinneqarnissaanut timmisartunut oqquisitsisarfinni atortut Sisimiut Mittarfiannut annertuumik aningaasartuuteqarfiunngitsumik pissarsiarineqarsinnaannginnerat tunnqavigineqarsimappat, heliportip qulimiguulinnut toqqorsivittut / oqquisitsisarfitut taamaallaat atorpeqarnissaa eqqarsaatigineqarsinnaasooq, Qeqqata Kommunianut tusarniaanermi akissummi allassimammat.

2. Kalaaleqatitta nunaqavissut inuussutissarsiutitigut nunatsinnut iluaqutaasussamik siuarsarusussusillit, pisortat suliffeqarfiutaasa amigartoorutaasumik ingerlatsinerat piinnarlugu, ilumut ineriartornissaanut aporfilersuiniarneq pissusissamisoorpa?

Tamarmik nalunngeriigaattut attaveqaatinik atatitsiinnarniarneq aserfallatsaaliuinerlu akisuujuvoq. Tunngaviusumik kiffaanngissuseqartumik suliniuteqarnissaq, aammalu namminersorluni inuussutissarsiutit siuarsarneqarnissaat Naalackersuisut tapersorsoraluaraat pisut ilaanni nunap aningaasaqarnera tamarmiusoq eqqarsaatigalugu innuttaasut nioqqutissanik sullissinernillu naammaginatunik akeqartinneqartunik neqeroorfigineqarnissaat qulakkeerniarlugu pisortat qularnaveeqqusiisariaqartarput qularnaveeqqusiisussaallutillu. Taamaattumik Naalackersuisut pisussaanerat malillugu nunap iluani aningaasartuutissat attaveqaatinut – isumannaallisaanerumullu – aammalu angalasunut naleqqussarniartuartariaqarparput.

3. Mittarfeqarfinnut aningaasat annaaneqassanganneqartut qanoq annertutigisut pineqarpat?

Aningaasanut annaasassanut suliat maannakkorpiaq paasissutissiissutigineqarsimanngitsut apeqqutaapput. Ataatsimulli isigalugu Kalaallit Nunaanni mittarfiit pisinnaasaat tamakkiisuunngilluinnartumik atorneqarput, taamaattumillu illoqarfimmi ataatsimi nutaanik mittarfiliornissaq inuiaqatigiit aningaasaqarnerat eqqarsaatigalugu naleqquttutut isumaqarfigineqarsinnaanngilaq. Atortut amerlanerusut atuutsinnissaannut atuisussat amerlassusaanni tunngavissat pisariaqartut naammangilluinnarput.

Nunatsinni silaannakkut angallannerup ilusaani nammaqatigiilluni ingerlatsinissaq tunngavigineqarpoq, taamaattumillu akitsuutini tamani mittarfiit arlaanniit sullissinerup ingerlanneqarnera apeqqutaanngilaq. Taamaattumik mittarfinnit annertuumik suliaqartuniit mittarfinnut annikitsunik suliaqartunut taperseeqatigiisitsisoqartarpoq.

4. Sillimaniarnissamut tunngasut sorpiaat Heli Greenland-ip naammassisimangilaat imaluunniit sutigut navianartorsiortitsisinnaaner at er numassutigineqarpa.

Tassanissaaq erseqqissassallugu pingaaruteqarpoq, sullisisup pineqartup Sisimiuni heliportitoqqamik atuinissaa Namminersorlutik Oqartussat isummerfigisimangimmassuk. Tusarniaanermi akissummi oqaatigineqarpoq, tusarniaanermi akissummi mittarfiup tamanit atorneqarsinnaanissaa tunngavigineqartoq, tassami kommunimut pilersaarummi oqaatigineqarpoq, tapiliussami "inuussutissarsiornermi piumanninnerup naammassineqarnissaa, taamaallillunilu sullissisut namminersortut ilaatigut takornarianik qulimiguulimmik timmisartuussinissamut periarfissinneqarnissaat" siunertarineqartoq. Taamaattumik tusarniaanermi akissummi sullissisut amerlanerunissaat naatsorsuutigineqarpoq, tamannalu mittarfiup tamanit atorneqarsinnaanissaa pineqartoq tikuussivoq.

Qulimiguulinnut mittarfinni tamanit tikinneqarsinnaasuni isumannaallisaanerup qaffasissusissaanut piunasaqaatit BL 3-8-mi (Silaannakkut angallassineq pillugu aalajangersakkat) nassuiarneqarput. Aalajangersakkat taakku atuutsinneqarnissaat Statens Luffartsvæsen-ip isumagisassaraa, taamaattumillu mittarfinnut ataasiakkaanut piunasaqaatit aalajangersimasut pillugit tassunga innersuussisoqarpoq.

Inussiarnersumik inuulluaqqusillunga

Jens B. Frederiksen